

## **Resolución da Secretaría Xeral de Educación e Formación Profesional pola que se convoca o programa educativo "EduReferentes" dirixido a centros educativos públicos dependentes da Consellería de Cultura, Educación e Universidade no curso 2021-2022**

### **Obxectivo xeral**

Facilitar a orientación vocacional do alumnado dende idades temperás a través do coñecemento de referentes femininos coa fin de favorecer a igualdade de oportunidades entre mulleres e homes.

### **Obxectivos específicos**

- Achegar as aulas a mulleres referentes en distintos ámbitos para unha orientación vocacional libre de estereotipos de xénero.
- Potenciar as habilidades persoais do alumnado a través de mentorías individualizadas por parte de mulleres referentes galegas.
- Dar a coñecer os distintos campos vocacionais ao alumnado.

### **Alumnado destinatario**

Esta convocatoria vai dirixida ao alumnado de Educación Secundaria Obrigatoria e Formación Profesional Básica dos centros educativos públicos dependentes da Consellería de Cultura, Educación e Universidade.

### **Actividades do programa**

#### **1. Sesións grupais.**

Charlas nas que profesionais referentes galegas de diversos sectores, chegarán ao alumnado novos ámbitos profesionais e de éxito. Nestas sesións o alumnado terá a oportunidade de traballar diferentes habilidades sociais e de comunicación. A duración será de 50 minutos.

O departamento de orientación de cada centro será o responsable de determinar o



sector das mulleres referentes en función do perfil do seu alumnado.

## 2. Mentorías individualizadas.

Os centros educativos participantes farán unha selección de 5 alumnas e/ou alumnos para ser acompañados por unha profesional referente no seu ámbito. A persoa mentora compartirá a súa experiencia e coñecementos ao longo de 5 sesións individualizadas, apoiando ao alumnado na busca das súas fortalezas, habilidades e intereses.

## 3. Clausura do proxecto.

Unha vez finalizado o programa, o alumnado mentorizado recibirá un diploma que acredite a súa participación que, de ser o caso, poderá entregarse nun acto público.

## SOLICITUDES

As solicitudes enviaranse ao enderezo electrónico [inclusioneducativa.entidades@edu.xunta.gal](mailto:inclusioneducativa.entidades@edu.xunta.gal) co seguinte asunto: Solicitud EduReferentes 2021-2022

O prazo de presentación de solicitudes será de 15 días naturais contados a partir da publicación desta convocatoria en <https://www.edu.xunta.gal/portal/>

## SELECCIÓN DOS CENTROS

Os centros seleccionaranse segundo a orde de entrada da solicitude no enderezo sinalado, ata un máximo de 20 centros participantes.

## CALENDARIO

As charlas terán lugar ao longo do segundo trimestre do curso 2021-2022 e as mentorías entre o 2º e o 3º trimestre, concretándose as datas e horarios entre os departamentos de orientación dos centros educativos e a asociación Executivas de Galicia.

Santiago de Compostela, na data da sinatura dixital.

José Luis Mira Lema

Secretario xeral de Educación e Formación Profesional